

## KOMUNIKADU IMPRENSA

### ANP SUSPENDE ÓLEU LUBRIKANTE MARKA **FORZANO** IHA MERKADU TAMBA DISKUNFIA REEMBALAGEM KA REPACKING



Dili, Timor-Leste. Sexta-Feira 22, Marsu 2024. Autoridade Nacional do Petróleo (ANP) liu husi diresaun Downstream, foti asaun suspende produktu Lubrikante ho marka **FORZANO** tipu hotu – hotu ne'ebé produz no importa husi Singapura, no sirkula hela iha Merkadu Timor-Leste, tamba produktu ne'e diskunfia reembalagem (repacking/dikemas ulang). Atividade ne'e la tuir kriteria Prátika Fabrikasaun ne'ebé maka diak (Good Manufacturing Practice). Ho nune'e ANP la garante lubrikante ho marka **FORZANO** nia qualidade.



ANP tau importansia ba qualidade no seguransa atu kumpri ba enkuadramentu legal institusaun nian, nomós esforsu atu halakon produktu sira ne'ebé mak la tuir rekerimentu sira, liu husi dalan ne'ebé propriu ka dalan ne'ebé los no justu.

ANP sujere ba konsumidor sira atu hili óleu ne'ebé hetan ona lisensa no iha sertifikadu. ANP sei kontinua halo investigasaun no monitorizasaun ba situasaun ne'e, no sei kolabora ho vendedor ka fornecedor sira atu suspende temporariamente produktu óleu **FORZANO** ne'ebé dadaun ne'e sirkula hela iha merkadoria rai laran, hodi garante merkadu ne'ebé justu no transparante ligadu ho marka lubrikante **FORZANO** nian.

ANP sei fahe nafatin informasaun atualizada relaciona ho desijaun refere.

\*Remata

#### KONTAKTU AMI

 [info@anpm.tl](mailto:info@anpm.tl)  
 [www.anpm.tl](http://www.anpm.tl)